



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula literarum Peregrinætionis pro Ecclesiasticis hominibus.

urn:nbn:de:hbz:466:1-10502

Reuerendiss. illius ciuitatis Episcopum adeas, cui harum nostrarum literarum exemplar exhibeas, exemplumque tradas. Eidem præterea hospitium, hospitij locum, & socios significes, quos ipse prober: neque hospitio, socijsque vtare, quos ille non probarit. Quãdiu ibi manseris, ex concilij prouincialis primi nostri præscripto, bis in singulos menses, vni ex Sacerdotibus quos tibi illic constituimus, ad sacrae confessionis munus gerendum idoneo, & Reuerendiss. Episcopo probato, peccata tua confitearis; confessusque sacram communionem sumas. Tonsuram etiam præscripta formæ gestes: habitum clericalem, interiorem scilicet atque exteriorem vestem talarum, nigro colore, non sericam, neque serico contextam, ornatamve; sed planè decentem, qualem clericalis ordinis hominibus, conciliorum nostrorum prouincialium sanctionibus, & edicto præscriptimus, domi forisq; feras: nec verò caligas turgidas, aut quæ nauticarum formam exhibeant, ipse induas: neque item camisij lactucatis ad collum, ad manumque vtaris: sed quæcunque, & de habitus ratione, & de clericalis vitæ disciplina, nostris, vel prouincialibus, vel diocesanis Synodis decreuimus, ea tam vniuersè quàm sigillatim inuiolatè serues, atque adeo exequaris. Denique diebus festis, solennibusque, frequenter intersis, & solenni Missæ, & vesperarum officio in ecclesia, vbi ex Reuerendiss. Episcopi præscripto, concessuue, pro sacri ordinis quo proximè initiatus es, ratione functiones obeas. De harum autem literarum exhibitione, mensis spatio, de singulisque his præscriptis rebus, rectè vt debes, a te præstitis, & de morum item probitate, sexto quoque mense, literis eiusdem Reuerendiss. Episcopi testatum nobis facias. De tua verò in literis progressionem, doctoris tui, quem audis, scriptum testimonium, eo ipso semestri spatio mittas, aut ipse exhibeas. Quod si in ijs, quæ tibi nos præscriptimus, tu, nulla legitima causa impeditus, defueris, has nostras literas tibi nullo modo suffragari declaramus, & planè decernimus.

Dat. &c.

Formula literarum peregrinationis pro Ecclesiasticis hominibus.

Carolus &c. Tibi N. sanctam peregrinationem Romanam Iubilei causa suscipere cupienti, his nostris literis facultatem damus, vt ob eam peregrinationem ab Ecclesia S. N. cui personalis residetia munus præstare debes, per duos menses, a die . . . mensis N. vsque ad diem . . . mensis N. connumerandos, abesse possis. Te autem in Domino monemus, vt, quæ peregrinantibus Ecclesiastici ordinis hominibus nuper in Diocæsana Synodo constitutum, singula, quantum in te est, accuratè serues. primò, vt antequam discedas, peccata tua confessus, Missæ sacrum quod est pro iter agentibus, facias: his comitibus N. N. quos nobis exposuisti, te adiungas; in Ecclesia, in qua Missæ sacrum in hebdomada ter faciendum munus tibi iniunctum est, Sacerdotem alium probatum substituas, qui dum peregrinando abes, illud præstet: in itinere autem, Clericali habitu, quamuis contractiore, decenti tamen, vtaris; pileum turbinatum non induas; tonsuram clericalem perpetuò habeas: Hebræos, ac mulieres, & voluptuarios homines, comites deuites; neque eodem curru cum eisdem vtaris; neque nauigio, nisi necessitate coactus: ad cauponas si diuersari contigerit, nè vnà cum eisdem mensæ accumbas: in omni hospitio, antequam discumbas, mensæ item benedicas; tum pransus, aut cœnatus, gratias agas; cæteraque de frugalitate & temperatâ clericali nostris decretis præscripta obserues: ne ostentim, nisi voti causa, victum quærites: ad aliquem locum vesperi cū peruenis, priusquam ad hospitium diuertas, ad Ecclesiam, vbi potes, religiosè adeas; ibique supplex Litanias, vel alias religiosas preces recites: ne itineris causas Canoniarum horarum officium omittas; idem de statis Ecclesiasticis ieiunijs præstare studeas: quotidie Missæ sacrum, vbi potes, facias; si minus, ne Dominicis festisque diebus id facere omittas: quibus autem diebus ipse sacrum facere non potes, eidem saltem interesse ne prætermittas: mane singulis diebus, priusquam

viæ

viam te committas, præter diuinum officium debitum, preces etiam illas dicas, quæ itinerarium clericorum appellatur: abstinere item iter faciendo, a profanis cantionibus, & colloquijs eiuſmodi, quorum vſu pietatis ſtudium refrigerat; ſed Pfalmis, Hymnis, & Canticis ſacris, animi, & corporis laſſitudinem ſubleues: in omni denique itinere eum te vitæ moribus perpetuo præſtes, vt etiam laicis hominibus, religioſè pieque peregrinandi exemplum præbeas. Cum autem ad ſanctam Vrbem perueneris, clericales veſtes talares, eaſque decentes induas; ac de clericaliſ veſtitus, & vitæ moderacione, omnia ad noſtrorum Conciliorum præſcriptum inuiolatè ſerues; tum quamprimum potes, aut biduo ſaltem poſt, Reuer. D. N. Protonotarium Apoſtolicum conuenias, cui has noſtras dimiſſorias testimonialesve literas exhibeas, eiſque hoſpitij tui locum, & ſocios ſignifices: tum præterea, antequam ſanctorum locorum viſitationem in alma Vrbe Iubilei conſequendi gratia agrediaris, iterum conſeſſario Sacerdoti probato conſeſſus, Miſſæ ſacrum facias: totus peregrinationi ſanctæ quam ſuſcepſiſti intentus, non rerum nouarum curioſitates, neque aliud a peregrinandi propoſito alienum conſeſſeris; ſed religioſa animi præparatione, ſanctorum Eccleſiarum, & loca ſacra viſites. Cum verò ab alma Vrbe diſceſſurus es, eundem Reuer. D. N. adeas, a quo nobis literas afferas: nec aliò longius vageris: a peregrinatione autem reuerſus, nos primum cum literis dimiſſorijs quas tibi dedimus, & cum illis etiam literis quas ab eo acceperis, contineas, vt ſanctæ peregrinationis tuæ testimonium des. His præterea noſtris literis teſtatum cæteris fidelibus eſſe volumus, te, quod nobis ſignificasti, Iubilei cauſa ſanctam hanc peregrinationem ſuſcepſiſſe; nec hoc tempore, quod nos ſcimus, te apud forū noſtram Archiepiſcopale, vllò crimine ac cuſatum, delatum, inquitum, nec condemnatum; neque vllò excommunicationis, cenſuræve alterius Eccleſiaſtica vinculo irretitum eſſe. In quarum rerum fidem &c. Dat.

Formula edicti, de examine eorum, qui Eccleſiæ Parochiali præficiendi ſunt.

Carolus &c. Vacante Eccleſia parochiali N. Diœceſis noſtræ Mediolanenſis, nos eo nomine examen, quod ex Tridentina ſanctione, prouincialiſque decreto noſtro præſtari planè debet, a die promulgationis huius edicti, vſque ad diem decimum proximè ſequentem conſecturi ſumus, ac deinceps etiam ex auctoritate apoſtolica nobis conſeſſa, quouſque eidem vacanti Eccleſiæ per nos prouiſum erit. Quare omnes ac ſingulos, qui vel examinari, vel alios examinandos nominare voluerint, præſcripto illo tempore, ad Reuerendū N. Canonicum ordinarium, & Cancellarium noſtræ Eccleſiæ Mediolanenſis, qui nomina deſcribat, conuenire; tum conſtituta examinis die, coram nobis, atque examinadoribus Synodalibus per nos eo nomine delectis, aſſeſſe, hoc edicto ſignificamus, atque edicimus; vt quos conſecto examine, moribus, ætate, doctrina, prudentia, aliisſque rebus ad curam animarum bene gerendæ rationem opportunis, idoneos eſſe compertum erit, ex ijs nos, quem cæteris magis idoneum cenſuerimus, illum Eccleſiæ vacantis rectorem parochumve eligamus, ac præficiamus. Quod ſanè, ſicut nos pro eo quod debemus, integre ſanctèque in Domino præſtare cupimus: ita omnes, præcipueſque illos, quorum Eccleſiæ & curæ ſpiritali per nos conſulendum ac prouidendum eſt, magnoperè hortamur, ac requirimus, vt hanc noſtram ſolicitudinem, paſtoraleſque ſtudium, omni ſupplicatione, omniſque intima pietate, ac religioſis precibus, continenter adiuuent. Dat. &c.

Formula fidei examinis & approbationis pro parochio.

Carolus &c. Vniuerſis & ſingulis ad quos præſentes literæ noſtræ peruenerint, fidem indubiam facimus & atteſtamur, quòd cum Parochialis Eccleſia S. N. noſtræ Med. Diœceſis, quæ Pæſbyter N. de N. dum viueret, obtinebat,

per